

蘭雪堂古事苑定本

蘭雪堂古事苑定本卷之八

僬安、鄧志謨景南 編輯

戴珉潔澄

西泠戴璵瀾石 叅定

戴琰師曾

仙佛

釋氏明心見性仙家服氣鍊形靈鷲嶺祇樹園釋林不
老藥珠宮闡風苑仙境長春道德五千言老子衍中朝
之秘妙相三十種牟尼顯西土之靈偓佺子服松實以

經身佛圖澄呪蓮花而應口貯乾坤一壺藏世界一粟
釋與仙符叅宗旨三乘燒金丹九轉仙從釋合故玄教
畫江成路而空門聚石點頭傳法度青牛函谷重重紫
氣馱經來白馬紺園藹藹祥雲叅禪妓女爲尼魂遊鹿
苑遣婦書生入道名在丹臺無心昌老三醉岳陽寶日
禪師半間衡岫吐飯成蜂鹵化蝶仙機玄且益玄浮杯
渡海錫飛空佛法妙而愈妙火棗交梨總是仙家上藥
旃檀瓊樹悉爲釋氏靈苗旌陽白日上昇悔殺拖腸之
鼠慧遠清晨說偈喜生伏頸之驚造逡巡酒開頃刻花

仙科秘訣。覆忍辱衣。落煩惱髮。釋氏真傳。鳴磬留夕陽。
捲簾納秋氣。更嘉釋子清脩。安爐烹紫石。閉戶誦黃庭。
猶羨道家至樂。

初學記云。耆闍窟山。中山形如鷲。佛嘗居此。故名。
祇樹園。祇陀太子園。林木茂盛。須達多長者求爲說
法。地。太子歲日。以金布地。可相與。須達多長者以金
布。八十頃。精舍告成。諸佛居之。蓬萊山有藥珠宮。
崑崙山有閬風苑。皆神仙所居。崑崙圃。閬風苑。有
玉樓十二。立室九層。左瑤池。右翠水。環以弱水九重。

非。颺。車。羽。輪。不。可。到。

老子跨青牛傳道
德經詳耆英篇

佛經云

釋迦牟尼年十九出家。學道勤行。精進禪定。具妙相

三十二種。

神仙傳云。僊侏子。堯時人。總角時。愛食

松實。身體遂輕。能飛行如走馬。年歷二百。遂飛升而

去。佛圖澄。晉人。住天竺。妙通禪理。役使鬼神。腹旁

有孔。夜照一室。石勒召試其術。澄取鉢盛水。以口呪

之。遂生青蓮花。

時乾坤一壺壺
公事詳後神仙

東坡贈佛印詩

云。一粒粟中藏世界。言佛法之妙。二乘亦云三車。

卽上乘中乘下乘之謂。九轉丹道書云。九次循環。

也。搜神記晉吳猛有仙術。自豫章歸江水驟漲無舟。猛乃以扇畫江水遂成大道。猛過畢乃沒。梁高僧講經於虎丘寺。聚石爲徒與談。涅槃其石皆點顯。

白馬馱經竺法蘭傳經事。紺園佛所居地。妓

琴操者。叅東坡禪。初問湖中景。妓曰。落霞孤鶩齊飛。秋水長天一色。再問景中人。妓曰。裙拖六幅湘江水。髻挽巫山一段雲。妓問究竟。坡曰。門前冷落車馬稀。老大嫁作商人婦。妓悟。削髮爲尼。唐許邁志求仙道。遺書遺其妻。有云。棲遲巖岫。情愿所終。吾其去矣。

長別離矣。呂洞賓遊岳陽，自稱無心昌老。蓋昌字

無心，呂字也。僧實目居衡山。詩云：萬松嶺上一間

屋，老僧半間雲。半間雲，或有時去行，雨回來不似老

僧。閒人號半間和尚。列仙傳：葛玄有仙術，與客對

食，噴飯成蜂，數百皆集。客身亦不螫，人食久，玄乃張

口，蜂皆飛入，仍復成飯。左慈字元放，廬江人，有道

術，嘗指鱸化蝶。詳後飲饌第二篇劉宋時，婺州有僧不知

姓名，常乘木杯渡河。高僧傳：有神僧飛錫凌空而

行。釋子曰：遊行僧爲飛錫，安住僧爲掛錫。火棗

詳後
神仙

佛經瓊樹寸寸是玉旃檀片片皆香比之聖

賢無德不備喻之經文無字不工列仙傳許旌陽

得道舉家白日上昇雖雞犬亦偕去惟鼠惡其不潔

擠下之後鼠自悔吐易其腸至今有拖腸鼠靜影

寺僧慧遠養一鷲遠每講經鷲即伏地而聽若說他

事則翱翔而去造逡巡酒開頃刻花韓湘子事詳前

天類要云僧出家覆以忍辱之衣落以煩惱之髮

忍辱衣謂袈裟韓公伯僧寺詩鳴磬夕陽盡捲簾秋氣來

老僧無俗慮明月湛丹臺爐烹紫石指煉丹事

神仙

玉醴金漿飛。勝藥餌霓旌。羽蓋護從威儀。少室簇烟霞。
總是逍遙之處。瑤池賸風月。無非宴飲之區。卷龜殼食
蛤蜊。汗漫之遊可羨。食朝霞飲沆瀣。真修之訣誰知。蛻
殼解屍副身焉。用伐毛洗髓。真性常存。食冰桃碧藕。乃
人間希有之珍玩。瑤草琪花。固天上不凡之種。胡麻飯
炊成於碧洞。雲厨立霜丸。搗就於藍田。玉杵曾憶乘龍。
而輕舉還聞食蠶。而遽成妙法。通玄虛靜之虎龍。並供
餘丹留瀝。劉安之雞犬皆升。燒黃煉白。葛洪覓勾漏丹。

砂○拾○紫○拓○青○阮○肇○採○天○台○妙○藥○米○拋○地○上○麻○姑○戲○處○便○
成○珠○石○出○懷○中○雍○伯○種○來○還○是○玉○清○溪○道○士○鶴○一○隻○雲○
裏○翩翩○葉○縣○郎○官○鳬○對○飛○空○中○矯○矯○巖○下○清○風○黑○虎○賣○
董○仙○丹○杏○山○間○明○月○彩○鸞○棲○張○叟○綠○筠○巴○邛○園○內○風○光○
好○橘○中○二○老○圍○棋○長○安○市○上○物○華○妍○壺○內○一○翁○欹○枕○趙○
惠○宗○火○中○化○鶴○豈○避○烽○炎○左○真○人○盆○裏○引○鱸○不○須○烟○浪○
安○期○曾○食○棗○如○瓜○蕭○靜○更○食○芝○似○肉○乘○鯉○入○重○溟○琴○高○
樂○矣○騎○龍○升○碧○落○黃○帝○飄○然○孫○居○士○大○嘯○一○聲○山○鳴○谷○
應○陳○先○生○長○眠○數○覺○物○換○星○移○太○上○君○赤○松○子○怡○稱○天○

府之者尊許飛瓊。萼綠華。便是仙宗之葩。屬蕭史吹簫。
傳雅曲。引來鸞鳳之羣。旌陽淬劍。耀寒芒。驚破蛟螭之
膽。雲夢洞中。鬼谷壽筭無窮。崆峒山上。廣成精神益王。
麻姑指甲。堪揜瘡。我意猶然。老子鬚眉可上圖。人言不

晉許穆爲護軍長史。入華陽洞得道。王母第二十女
紫微夫人常降之。後書與穆曰。玉醴金漿。交梨火棗。
飛騰藥也。以君心猶荆棘相雜。是以二樹不見。六
帖。仙人羽蓋霓旌霞衣風馭。地輿志。華山有東西

二石室東云太室西云少室皆仙人所居瑤池王

母所居之地淮南子云盧敖遊北海見一士深目

玄準卷龜殼而食蛤蜊敖曰夫子可與敖爲遊矣士

笑曰我南遊罔世之野北息沉默之鄉西窮溟漢之

里東貫鴻毛之光吾方與子汗漫遊九垓之上大

人賦吸沆瀣食朝霞漢武內傳黃眉翁謂東方朔

曰吾却食服氣三千年一洗髓三千年一伐毛吾今

已三伐毛三洗髓矣周穆王閒宴王母乘鳳輦而

來進萬歲冰桃千年雪藕瑤草琪花瓊樹之屬惟

仙家有。列仙傳漢劉晨阮肇入天台山採藥。見淵

中流有胡麻飯屑。服之覺身輕。沿流而進。乃遇仙女

成夫婦云。唐裴航遇雲翹夫人。與詩云。一飲瓊漿

百感生。玄霜搗盡。見雲英。藍橋便是神仙路。仙必區

區上玉京。後過藍橋。見一老嫗求漿。嫗令雲英擎一

甌飲之。遂得娶成仙云。陶安公得道。七夕日有龍

迎之而去。真誥云。經函中有靈食神。仙字服之可

仙。列仙傳張虛靜天師煉丹既成。龍降虎伏。安劉

詳前者英雅
伯詳前婚姻

列仙傳葛洪字稚川善導養術開交

趾出丹砂。求爲勾漏。令煉而服之。後屍解飛升而去。

列仙傳。麻姑降蔡經家。取米數升。撒於地上。悉成。

真珠。方平謂曰。姑年少。好爲此。吾則不爲也。唐玄

宗贈清溪道士詩云。清溪道士人不識。上天下天鶴

一隻。洞門深鎖。白雲閒。滴露研硃點。周易今處州有縣周易亭漢顯宗

時。王喬爲縣令。有神術。每朔望朝。帝怪其來。數不見。

車騎。密令太史伺望之。言其臨至。有雙鳧從南飛於

是舉。羅張之。但得雙鳧。詔尚方視。則所賜尚方履也。

列仙傳云。吳董奉居廬山。爲人治病。不索謝。病重。

愈者令種杏五株。病輕者一株。杏成林實熟時。買者將穀一石。便取杏一石。取多者有黑虎逐之。故曰虎賣杏。張虛靜天師隱龍虎山。結廬而處。有彩鸞棲鴉其上。作詩有結廬高處無人到。夜半彩鸞棲綠筠之語。巴邛人家有橘。霜後諸橘盡收。餘二大橘。如三四斗盎。巴人剖開。每橘有二叟。鬚眉皓然相對。弈棋。身長尺餘。談笑自若。一叟曰。橘中之樂。不減商山。但不得深根固蒂耳。一叟曰。僕饑虛矣。須龍肝脯食之。卽於袖中抽出一草根。方圓徑寸。形狀宛轉如

龍因削食之。隨削隨滿。食訖。以水喫之。化爲一龍。因
與共乘之。足下雲起。須臾風雨晦明。不知所在也。盤盆

列仙傳。壺公賣藥長安市。懸一壺於肆頭。日輒入

壺中休息。費長房見而異焉。再拜求入。公與之俱入。
見樓臺壯麗。驚曰。此別一乾坤也。遂從公學道。列

仙傳。趙惠宗。宜都人。得九天仙籙。唐天寶末。積薪自

焚。怡然坐火中。誦度人經。乃化爲瑞雲。仙鶴而去。

神仙傳。左慈有仙術。曹操宴客。曰。席間所少者。松江
鱸耳。慈索銅盆貯水。釣之。須臾引鱸魚數尾而出。曹

嘗出郊慈持酒一升脯一斤親手取酌百官皆近地
操惡其怪欲殺之慈却入壁中忽然不見或見於市
眇一目漢武內傳李少君以却老方見武帝曰臣
嘗遊海上見安期生食巨棗大如瓜漢蕭靜卿得
一物類人手肥潤而紅烹而食之齒髮更生力壯貌
少道士顧靜之曰所食老肉芝也靜等龜鶴矣列
仙傳琴高善鼓琴後得仙乘赤鯉來人間後又乘赤
鯉復入水去史記黃帝鑄鼎荆山鼎成有龍迎之
上升因名其地鼎湖韻府羣玉孫登得仙道寓燕

門阮籍訪於其處與談時事不應及退至半嶺聞有
聲若鸞鳳乃登之巔也韻府羣玉陳搏隱於睡
每睡必數月而醒羽士寇朝一學其睡之大畧劉垂
範聞其勦寐同寇先生睡有樂乃華胥調或曰既有
曲譜記如何曰混沌譜太上隱者赤松子俱二仙
長名西母降武帝殿有侍女四人帝問其名曰
董雙成許飛瓊賈陵華段安香萼綠華女仙也上
下青衣顏色純整故名蕭史詳後樂具許遜字敬之南
昌人晉初爲旌陽令點石化金足遁賦辭棄官歸得

其人術。浪遊江湖。悉斬蛟蜃。除民害。精修山中。年一
百三十六。舉家飛昇。雞犬亦隨去。朱封妙濟真君。
鬼谷先生。晉平公時人。隱居雲夢山。鬼谷在人間數
百餘年。後不知所之。莊子黃帝聞廣成子在。桐
山往見之。問長生之道。廣成子曰。必靜必清。無勞爾
形。無搖爾精。乃可長生。故千二百歲而形未嘗衰。入
無窮之鄉。游無極之野。與日月參光。與天地爲常。
列仙傳。王方平降蔡經家。使召麻姑。麻姑至。年若十
七八歲處女。手爪似鳥。蔡經見之。默意其可爬。泰忽

有錢鞭鞭其背。經忍痛未敢言。雲齊錄。楊次公贊。
老子出關圖。作詩云。秘藏函谷關中。史來獻蓬萊閣。
上仙願得顰眉如此者。却教龜鶴美長年。

梵釋

淨土開宗。沙門演教。問宅居奚在。慈悲作室。通慧作門。
詢骨肉爲誰。法喜爲妻。智度爲母。不生不滅。菩提開智。
悲之花。無愛無憂。優鉢結因。緣之果。愛慾海。濟渡大願。
船。光明拳。打破痴迷膜。經翻貝葉。許多之秀氣。迎風候。
設伊蒲。一種之清香。帶露。八功德之水。澄澈無波。一指。
頭之禪。簡明有本。無我相。無人相。須識一空。有戒香。有。
定香。更臻三昧。闡明妙法。渾身便覺。布毛輕認。透此心。
滿口盡稱。椰子熟達磨言。歸於西竺。隻屢翩翩。隱慧跌。

坐於南陽雙鳩矯矯一日萬回施妙法歷遍山川三年
百棒悟真機斬新日月此誠一口吸盡西江水難與人
言豈非兩足踏倒須彌山祇應自悟赤髭碧眼何人不
是梵宗白足清癯誰個未知禪味慧可對達磨斷臂妙
矣法身歸宗從李渤弄拳隱然梵訣譚經融至理大千
界內兩飛花說偈至無言不二門中雲散朱四大身若
無若有三乘法愈究愈精德山拄杖有人持禪家慧柄
石霜心地從誰識釋派玄機金人隱隱漢廷上正招摅
兩足奇尊白氣蔥蔥晉世中已橫出一枝活法入國曰

青蓮妙相我亦云大雄法王古咸謂西方聖人今盡稱
南閻覺士智月常圓法雷頻震正爲般若涅槃菩提無
樹明鏡非臺允是真空世界

淨土佛國言清淨無穢雜也。梵語云沙門出家者。

總名以息心達本源故號沙門。又云桑門。佛經云。

如來以慈悲作室。通慧爲門。維摩詰曰。釋氏智度。

以爲母。方便以爲父。法喜以爲妻。慈悲以爲子。一苦。

提樹。釋迦如來成道時所種之樹五百年一花。白樂。

天贈智慧禪師詩。方便風開智慧花。優鉢亦佛家。

所種之樹法華經作優曇鉢亦五百年一花 佛經
云菩薩乘大願船住生死海中呼引衆生上大願船
佛經云如來舉金色臂屈五輪指爲光明拳又云
決一切痴迷膜到一切功德岸 貝樹亦佛國所植
多以其葉寫經故梵語有云說法天花雨采翻經貝
葉成文 伊蒲饌齋供也後漢楚王英詣闕以緣贖
罪詔報曰王好黃老之言尚浮屠之教還具贖以助
伊蒲塞桑門之饌 八功德水 傳燈錄有僧過天
龍禪師天龍豎一指示之僧大悟後嘗曰吾得天龍

一指頭禪。一生用之不盡。無我相。無人相。金剛經。

語。佛家衆香。如戒香。定香。慧香。解脫香之類。一梵。

語。以正受爲三昧。傳燈錄。道林禪師有侍者。學佛。

法師於身上拈布毛吹之。其人遂悟。時號布毛侍者。

傳燈錄。有僧問大梅和尚。爾見馬祖得甚麼教。曰。

馬祖向我道。卽心是佛。僧曰。馬祖近日又道。非心非。

佛。大梅曰。任汝非心非佛。我只管卽心是佛。馬祖知。

之。謂曰。梅子熟矣。後漢達磨端居而逝。後三載魏。

宋雲使西域回。西域卽今肅州府。遇師於蔥嶺。手持隻履。翩。

翻獨逝。問師何往。曰。西天去。明帝起。壙視之。惟一革履存焉。高僧傳。鄧州一僧。名隱慧。日食二鳩。人號南陽鳩肉長老。或謂之師。張口鳩從口出。高僧傳。萬回禪師。九歲出家。兄遠戍。師往問訊。朝往夕還。以萬里而回。人號爲萬回禪師。傳燈錄。洛浦禪師在夾山。做典座。三年喫百頓棒。後大悟。嘆曰。斬新日月。特地乾坤。襄州居士龐蘊。參馬祖云。不與萬法爲侶者。是甚麼人。祖云。待汝一口吸盡西江水。卽向汝道。居士頓悟。傳燈錄。有僧問石頭和尚。如何修最

上乘微第一義石頭曰爾愛欲不除能以兩脚踏倒
須彌山耶蓋難之耳佛陀耶尊者赤髭時號赤髭
毗耶沙達磨生而眼碧號碧眼禪師釋曇如足
白於面號白足僧僧祖可善權清癰時亦號瘦權
慧可侍達磨夜大雪過膝師不之禮慧乃取刀斷
臂師乃知爲法器傳燈錄李渤問歸宗禪師大藏
教明得甚麼歸宗舉拳示之李不答宗云讀萬卷書
拳頭也識不得梁高僧講經天雨寶花徐玉泉贈
僧云杖錫飛身到赤霞石橋閒坐演三車一聲野鶴

仙濤起。白晝天風送寶花。

三車卽三乘互詳天文

梵語兩散

寶華。曇花帶潤。雲呈錦采。貝葉成文。

文選。文殊謂

維摩詰曰。何爲是不二法門。摩詰不應文殊曰。乃至無有文字言語。是真入不二法門。一佛言。四天

謂地火水風。假合成身。地大火大水大風大。故謂四

大云。

三乘詳前仙佛

傳燈錄。德山師有拄杖。尋常僧至。

多以杖打之。臨濟禪師遣侍者叅其教。告之曰。若打。返。接。取。其。杖。當。心。一。拄。侍。者。如。其。言。德。山。曰。從。來。疑。這。老。漢。果。識。得。透。佛。偈。云。赤。旂。檀。塔。六。七。給。白。齒。

舊花三四枝。禪客相逢只彈指。此心能有幾人知。霜舉以問貫休。休不能答。復問於石霜。石霜乃曰。能有幾人知。佛曰。兩足尊。謂福足慧足。漢明帝夢金人飛空而下。問於傅毅。傅毅曰。西方佛也。遂使使迎之。佛法乃始入中國。晉道信禪師見紫雲明蓋。下有白氣一道橫分。弘忍禪師曰。莫是和尚化後。橫出一枝佛法否。佛經云。大雄以慈悲致化。釋稱大雄。猶儒家稱大聖。列子太宰嚭問孔子。孰爲聖人。子曰。西方有聖人。不治而不亂。不言而自信。不化而

自行。蕩蕩乎民無能名焉。事文類聚云、釋氏之教。

西竺稱瞿曇南浮稱覺士。清涼禪師云、夫般若者。

苦海之慈航。昏衢之巨燭。般若音鉢惹猶云智慧也藝文云、涅

槃亦曰泥洹。又言常樂。乃不生不死之地。非云死也。

傳燈錄五祖求法嗣。令寺僧各爲偈。其上座神秀

曰。身是菩提樹。心如明鏡臺。時時勤拂拭。不使有塵。

埃。六祖慧能書於秀旁云。菩提本無樹。明鏡亦非臺。

本來無一物。何處惹塵埃。五祖觀之法嗣。遂定。

鬼神

魑魅魍魎木石之精。四象羶羊水土之怪。翁仲震臨洮之地。莫大形儀。巨靈劈首陽之山。最雄力量。國殤族厲。未是玄虛。牛鬼蛇神。不爲怪誕。律令雷霆之鬼。疾足無停。黔羸造化之神。生機不息。曰馮夷。曰河伯。總曰水神。爲語忘爲敬。遺悉爲胎鬼。潮頭來白馬。濤神遠屬靈胥。巖下現青猿。山鬼莫非量錯。黎丘多奇鬼。惑時必以僞害真。夏郊有異神。祀處却轉凶。爲吉肩吾固橐籥。泰山之主靈。若實綱維。滄海之君伯有。攪亂鄭邦。烈到英魂。

猶未泯雲長怖驚吳國堂堂精爽不曾磨美女甚都墓
內贈盧充金梳伶人頗好亭中教嵇氏瑤琴鄭文甫散
步江湄有幸賜江妃之佩劉長卿閒吟溪上何緣投溪
女之簪陸士龍講易通玄藉令王弼胡釘鉸吟詩得趣
托魄柳惲鴉鳴谷來來往往山魃牛渚磯擾擾紛紛水
怪室內伯高逢哂笑誰則不疑道間羅友遇揶揄人猶
有信第以邪難勝正更知幽不揜明唐時花月妖異見
狄梁公之面晉代粉榆社愁逢阮宣子之柯魏元忠心
正無回頓使妖魔屏迹桓石虔名聞有赫遂令瘡屬銷

魂。仍思手大人。臆。貞夫舉筆。翻憶舌長吐地。壯士吹燈。
鄒德潤徙項王祠。莫須有牛僧孺宿薄后廟。豈其然人。
死爲三尸。柳子爲文。曾痛罵士窮。因五鬼。韓公作檄。便。
長驅。作無鬼論。我且將同然賦。迎神詩人何必乃爾。

博物志云。水石之怪曰龍。罔象。木之怪曰夔。魍魎。士。
之怪爲羶羊。火之怪爲朱無忌。魍音習五行志。秦。

始皇有長人見於臨洮。曰翁仲。始皇以爲祥。鑄銅像。
之。巨靈詳前地理屈原國殤云。身既死。神以靈。

予魂魄分爲鬼雄。注云。國殤謂壯而死於國事者。其。

精魄強壯。魂魄武毅。長爲百鬼之雄。族厲謂古大
夫無後者。事文云黔羸造化神名。事文類聚語
忘敬遺二鬼名。孕婦臨產時呼此二名。則不害人。
吳越春秋。吳王還自伐齊。子胥諫不聽。自殺。吳王盛
以賜夷。投之於江。胥嘗乘白馬。見於潮頭。土人因祀
之爲濤神。幽怪錄。鼉錯爲漢武所誅。葬於蒼目之
山。其精魂不滅。嘗爲青猿。號叫於巖中。土人目爲錯
鬼。幽怪錄。黎丘有奇鬼。善效人之子姪。扶丈人而
迫苦之。黎丘丈人之市醉而歸。遇奇鬼。扶而苦之。歸

責其子。子曰：孽無苦也。丈人悟曰：是必奇鬼也。明日復飲於市，刺殺之。其子恐父之不及，近而救之。丈人望見其子，拔劍殺之。左傳：晉侯有疾，夢黃熊入寢。問何祟。子產曰：堯殛鯀於羽山，其神化爲黃熊，實爲夏郊。三代祀之。於是祀夏郊，晉侯病乃愈。肩吾：泰山神靈若海神。左傳：伯有見殺，鄭人驚曰：伯有至矣。則皆走。或夢伯有介而行，曰：壬子，余將殺帶也。明年壬寅，余又將殺段也。及壬子朔，帶卒，國人益懼。齊燕平之月壬寅，公孫段卒，國人愈懼。其明年子產立。

其子撫之、害乃止。韻府、崔少府女亡、有金枕者、墓中後與盧克成幽婚。女以金枕贈克。往市賣之。女姊知爲墓中物、詢得其由、啓墓視之。女生有一子、克取撫之。名曰煥兒。晉嵇康、暮宿華陽亭、彈琴有伶人死者、葬斯地。乃詣康、授以廣陵散。後臨刑、東市神氣不變。索琴彈之、奏廣陵散。曲終曰：袁孝尼嘗請學此散、吾靳固不與。廣陵散於今絕矣。唐鄭交甫出遊江湄、逢二女。不知其神也。女解佩以與之。行數十步、女忽不見。唐劉長卿暮春從溪上遊、吟有蜂抱花

鬚舞魚吹柳絮行之句忽有女見而謂曰郎君詞藻
客也投之簪須臾不見晉陸雲字士龍夜投宿人
家見一少年共談周易深明玄理向曉辭去覺在一
墓土視之乃王弼塚胡生者以釘鉸爲業宅西有
柳惲墓每飲茶必奠之後柳惲托夢曰我教爾爲詩
後善詩人目爲胡釘鉸鉸音教唐時太原郡鴉鳴谷
山魍甚多人獨行數遭侮王建曰我不怕鬼每獨行
無害牛渚磯詳走獸龍伯高詳貧賤晉羅友乞祿於桓溫溫未
之重用一日溫餞人作郡賓僚俱往友獨後至桓問

其故。友曰。適來路逢一鬼。擲榆曰。我只見汝送人作。郡不見人送汝作郡。溫笑以爲襄陽守。

拍掌而笑曰。擲榆。

唐武三思妓素娥有殊色。狄梁公請見之。忽失其所。在聞堂與中語曰。某花月妖也。梁公正人。吾不敢見。世說阮宣子伐社樹。或止之。宣子曰。社而爲樹。伐樹則社亡。樹而爲社。伐樹則社移。何害。唐魏玄同。心正直。未仕時。鬼數戲侮。一夕羣鬼舁其床。堊曰。能徙吾堂下乎。竟徙之。魏又曰。復能徙吾堂上乎。鬼仍徙至舊所。曰。公正人也。不可侮。乃去。晉桓石虔有。

雄名病瘡者但呼其名怖之其瘡輒愈。馬公亮嘗
於燈下閱書有鬼以大手伸人臆中公以硃筆書花
字鬼哀求不得出至曉泣曰公獨不見牛渚磯事耶。
公乃滌去其字鬼謝而去。晉嵇康燃燈夜坐彈琴。
忽有鬼入儀容甚怪遂吐舌七尺餘垂至地康滅其
燈曰耻與魑魅爭光。梁蕭琛字彥瑜爲吳興守郡
有項羽廟據廳事一半琛曰生不能與漢祖爭中原
死據此廳事何也竟別遷之。牛僧孺落第歸暮失
道遠望火光至一大宅閤者引之入珠簾中語曰妾

漢文帝母薄太后也。何至此遂呼出王嬙、楊太真、
潘妃見禮畢。又別有善笛女子。太后曰：石家綠珠也。
既而薄后曰：今夕誰伴牛秀才寢？諸妃皆辭。薄后令
王嬙陪之。遂送入昭君院中。向曉而覺，乃知是鬼。
三尸之鬼。嘗以朔望上天。白人罪過，欲人死，爲鬼飲
祭也。柳子厚有罵三尸文。韓公送窮見前時令阮瞻嘗作
無鬼論。忽有一客來坐，議論風生，以爲有鬼。瞻以爲
無爭論不已。客言：吾卽鬼也。於是不見。阮瞻西晉阮咸子
司空文明嘗作有迎神詩。

蘭雪堂古事苑定本卷之九

饒安

鄧志

編輯

戴珉潔澄

西洽

戴璵瀾石 蔡定

戴琰師曾

形體

頭曰高臺面爲廣宅。駢拇之指迥異於人。于思之鬚頓殊於衆。劉曜垂五尺髯。遂作生民主張。良棹三寸舌。乃爲帝者師。垂肩耳大。劉先主畢竟興王。蓋膽毛深德謙。

師自當成佛維翰一尺面宰相奇形比干七竅心忠臣
異蘊截臂節婦硜硜然千古貞操斷頭將軍凜凜乎萬
年烈氣蘇生正直膝豈容佞士作枕頭林蘊精忠項不
使頑奴爲砥石黃鬚都騎自古稱奇碧眼小兒迄今推
異白瘡才子曾推馬氏之常疵面尙書更說趙家之孟
晉廷半個雖落落貌不颯宋殿一雙乃超超容自美班
超虎頭燕領應封漢室之侯莊姜螭首蛾眉允作衛宮
之后孔隆顙陽虎亦隆顙是聖是狂舜重瞳項羽復重
瞳乃帝乃霸神同秋水徐卿之子豈常見瘡若遠山卓

氏之姬。稟美女英雄。常自別。僉云。冠萊公鼻息如雷。俊傑却非凡。始信王濟。沖目光若電。更羨李青蓮之豪邁。眼空諸子。氣蓋羣公。寧知陸餘慶之猥庸。手重五斤。喙長三尺。然則麀頭鼠目。可求官邪。抑亦人面狗心。難爲士矣。

佛經頭爲高臺。而爲廣宅。又云。頭爲崑崙。頂三台。君

莊子。駢拇枝指。豈性也哉。駢拇足。拇。指連二指也。枝。指手六指也。

左傳。華元多鬚。伐鄭爲鄭敗。宋人歌曰。于思于思。棄

甲復來。于思。多鬚貌。晉史。劉曜身長九尺三寸。垂手過

膝目有赤光髯鬚百餘莖而長五尺餘。史記留侯
乃稱曰家世相。韓滅不愛萬金之產。爲韓報仇。疆
秦天下震動。今以三寸舌爲帝者師。封萬戶位。列侯
此布衣之極。於良足矣。願棄人間事。欲從赤松子遊
耳。劉先主生有奇相。耳大垂肩。人目之爲大耳兒。
德謙大師語錄。一僧拜師曰。三日不相見。莫作舊
時看。師擺開胸云。你道我這裡有幾莖蓋膽毛。僧無
語。五代桑維翰。身短而面長。嘗臨鏡自奇。曰。七尺
之身。不如一尺之面。後乃爲相。通鑑紂無道。比干

諫之糾怒曰吾聞聖人必有七賢命剖而視之果然
五代王凝爲虢州司戶卒於官妻李氏携子與其
骸歸投宿開封府主人不納牽其臂而出李氏大慟
曰此手爲人所執耶遂斷其臂府尹聞之咎主人厚
卹之而歸蜀志諸葛亮與張飛趙雲破巴郡獲嚴
顏喝曰何不降顏曰但有斬頭將軍無降將軍飛怒
欲斬之顏容貌不變曰斬頭便斬頭何爲怒耶飛壯
而釋之引爲上客嚴顏巴郡太守魏史蘇則爲人正直董
昭嘗枕其膝則推下之曰蘇則膝非佞人枕唐書

劉闢反林蘊以義責之闢怒欲殺之惜其直陰戒刑人磨刀於頭脅服之蘊叱曰死便死我頸豈頑奴砥石耶吳史孫權生而眼碧時號碧眼小兒黃顯詳前

武聯白眉詳前英賢

晉書趙孟爲尚書令善於清談面有疵

黯語曰諸事不決問疵面號疵面尚書世說習鑿

齒有塞疾符堅滅樊鄧素聞具名與釋道安俱與而

至與語大悅戲謂人曰止得半個人耳謂習差可稱生丁

南宋史孝武帝選侍中四人並以風貌王或謝莊爲

一雙阮韜何偃爲一雙

班超事詳武職

莊婆衛莊公后

也。衛人賦頌人篇美之曰：手如柔荑，膚如凝脂，領如

蝨螭齒，如瓠犀。螭首蛾眉，巧笑倩兮，美目盼兮。黃音

音由瓠音 孔叢子云：孔子河目而隆額，陽虎貌似

聖人，故云。史記：舜目重瞳，項羽目亦重瞳。杜甫

徐卿二子歌云：徐卿二子生絕奇，感應吉夢相追隨。

孔子釋氏親抱送，並是天上麒麟兒。大兒五齡色清

徹，秋水爲神玉爲骨。西京雜記：卓文君姣好，眉如

遠山，臉際若芙蓉。宋書：寇準瀘淵之征，真宗使人

閱其動靜，公方熟睡，鼻息如雷。真宗曰：渠安枕如此。

必有勝筭也。朕何憂。晉書王戎生而穎異神采秀

發目甚清炤。視日不眩。裴楷見而異之曰。戎眼爛也。

如、品、下、電。戎字杜甫撰李太白行實。公眼空諸子。

氣蓋羣公。唐書陸餘慶善辯論。而謬於判。時人

嘲之曰。說事喙長三尺。判事手重五斤。唐書李揆

爲相。苗晉卿數薦元載。揆輕載體寒。謂晉卿曰。龍章

鳳姿。士不見用。而盛頭鼠目。子乃求官和。載深啗之。

晉書符朗初過江。王忱與兄國寶命駕詣之。沙門

法汰問朗曰。見王吏部兄弟。未明曰。非一狗而人心。

及一人面狗心者是耶。蓋枕醜而才國寶美而毒故也。

形體二

衛玠姿容。士皆樂觀。紫芝眉宇。人共快瞻。隆準尾顏。漢
天子丰儀。迥異河目海口。魯聖人形質自超。武帝之鉤
弋。兩手皆拳。先主之趙雲。一身是膽。待人盡禮。眼垂阮
籍之青。報國懷忠。血化萇弘之碧。彭樂截腸。還欲戰壯
氣。翩翩杲卿。斷舌更能言義。聲凜凜。王德用之黑面。豈
非朝廷上異人。孟東野之古心。便是湖海中佳士。董宜
強項令。勁直無回。雲長美髯公。英雄莫敵。利刃犯文天
祥之頸。義血成丹。稜鋒剖安金燕之胸。忠肝露赤。更說

蓋臣曾報主介子推割股煮羹亦聞明主不輕臣唐太宗剪髮和藥彥回之髯似戟豈爲亂階李瞻之膽如升不虧大節魯仲連噴義聲厲罵嚼齒穿齦張睢陽鼓烈氣戰呼握拳透爪孟郊以文才歷衆且令韓愈亦低頭子儀以功德服人遂使承嗣頻屈膝一沐三握髮周公之接士何勤十步九回頭蕭鳳之別兄未忍婁師德跛男子病於足不病於心孟嘗君眇丈夫虧於形不虧於德嚴顏頭杲卿髮雅堪入烈士傳班樊素口小蠻腰更可上美人圖畫

晉書衛玠美丰姿時人愛之號玉人從殷浩至都下

都人聞其美爭看之觀者如堵唐書房琯見元德

秀歎曰見紫芝眉宇使人名利之心都盡紫芝元德秀字

漢書漢祖生隆準龍顏股有二十四黑子準鼻也孔

叢子云孔子河目海口又史云孔子生而首上圩項

索隱注云言項上中低四旁高也鈞弋詳天文趙雲詳武職

晉阮籍能為青白眼見禮法之士以白眼對之惟嵇

康造之乃見青眼北齊書彭樂與周文決戰被刺

腸出納之不盡哉去復戰長弘詳傷逝杲卿詳人事宋書王

德用狀貌魁偉而而色正黑雖邊遠君長皆知其名
識與不識稱之曰黑而相公塞北常呼其名以驚小
兒韓退之贈孟郊詩云孟郊湖海士古貌又古心
漢史董宣爲洛陽令殺公主家奴主訴於光武上
令小黄門持宣謝主兩手據地不肯俯上敕強項令
出蜀志關公在荊州欲回蜀與馬超角力孔明以
書止之曰超雖勇恐不逮美髯公也宋亡文公爲
元所執屢求死元乃殺之咏史者有句云淋淋血化
千年碧耿耿心留一寸丹唐武后時有誣皇嗣異

謀者安企藏爭之不可引刀大呼曰請剖心以明
嗣不反割腹腸出武后驚曰吾有子不能自明不如
爾之忠也事遂白晉文公出奔介子推從焉文公
乏食子推割股以啖之後歸國文公忘封子推子推
作歌有一龍乏食一蛇割股之語唐書李勣疾醫
者曰鬚灰可治太宗乃自剪其鬚以和藥南宋史
稽彥回夜宿閣中公主就之彥回不敢動公主曰公
髯如戟何得無丈夫氣對曰回雖不敏不敢首爲亂
階南史侯景亂李贍起兵爲賊所執正色自若及

剖腹見其膽大如升

史記魯仲連罵賊嚼齒穿齦

唐書張睢陽恨賊握拳透爪

東坡帖云張睢陽

生猶罵賊嚼齒穿齦。顏平原死不忘君。握拳透爪。

韓愈寄孟東野詩云。低頭拜東野。願得始終如驅蛭。

驅蛭三獸名
詳後走獸

唐田承嗣據有魏地。郭子儀遣使至

魏承嗣西望拜曰。此膝不屈於人久矣。今爲公拜。

史記周公謂子伯禽曰。吾一沐三握髮。一飯三吐哺。

猶恐失天下之賢。唐乘函云。蕭鳳與兄鸞俱仕於

京。鸞被命出使。鳳與餞別曰。詩舉杯劇飲。醉中分袂。

庶不悲又賦詩云頃刻歌渭水十步九回頭韻府
云袁天罡于客師渡江見舟中之人氣色不吉欲不
渡忽跡足人至客師曰有跛男子在無危矣跛男子
婁師德也史記孟嘗君之趙趙人出觀之笑曰始
以薛公爲魁然也今眇小丈夫耳唐書顏杲卿爲
祿山所害殉首于衢莫敢收屍張洎得其髮持謁上
皇是夕見夢帝寤爲祭後洎歸髮於其妻崔崔疑之
髮若動云

晨顏詳前篇樊素
小蠻俱詳寵妾篇

形體三

賈雍頭亡。猶能馳騁張儀舌在。尚可縱橫。鄭元璫口伐。可汗辭鋒不鈍。諸葛亮舌戰吳士。智劍誰當。嵇侍中之血。自馨。陶靖節之腰。頗硬。貞操烈婦。冰霜爲作心。肝富學文人。錦繡代成腸。胃明其目。張其膽。韋思謙不爲保。妻子之臣。實乃腹虛。乃心徐之才。可作希聖賢之士。婁師德待人。量好而中之。唾迹未乾。申包胥復國心。勤足下之。繭皮獨厚。巢父從潁川間洗耳。陶公在蓮社裏攢眉。捫膝先生獨高氣。節補唇士子更妙文章。秦莊公頗。

如○握○丹○何○平○叔○面○猶○傳○粉○杜○弘○治○眼○若○點○漆○衛○莊○姜○膚○
似○凝○脂○張○太○僕○腹○大○如○瓠○更○垂○好○譽○古○尚○書○頭○尖○似○筆○
偏○擅○英○稱○衛○將○軍○骨○骼○非○常○野○外○必○非○爲○牧○者○魏○武○帝○
儀○標○自○別○床○頭○豈○是○捉○刀○人○漢○李○廣○數○英○雄○獨○仲○猿○臂○
唐○馬○周○稱○卓○犖○乃○聳○鳶○肩○怒○髮○衝○冠○藺○相○如○不○屈○威○武○
喝○聲○振○瓦○桓○石○虔○豈○事○囁○嚅○英○布○鰲○面○上○之○痕○何○嫌○貌○
醜○岳○公○刺○背○中○之○字○愈○見○心○忠○第○林○甫○多○奸○謀○口○裏○徒○
生○蜜○舌○而○祿○山○有○反○相○腹○中○焉○得○赤○心○宋○黨○進○雖○然○大○
腹○非○多○筭○之○人○也○唐○李○緯○徒○有○好○鬢○不○足○齒○之○儉○歟○

事文云。漢武時。蒼梧守賈雍。出界討賊。爲賊所殺。失其頭。馳馬還營。營中咸走來視。雍胸中語曰。戰不利。爲賊所傷。諸君視有頭佳。無頭佳乎。吏泣曰。有頭佳。雍曰。不然。無頭亦佳。遂仆而死。史記。張儀。魏人。嘗從楚相飲。楚相亡璧。意張儀所竊。儀遭笞。歸謂其妻曰。視吾舌尚在否。其妻笑曰。舌在也。儀曰。足矣。後入秦取相。鄭元壽事詳力量篇蜀志。孔明入吳。與文臣張昭等辯論。詞理不屈。時謂舌戰羣儒。穉侍中詳衣服篇。陶靖節詳姑淡篇。唐有節婦吟詩云。玳池古冰雪。爲妾作心肝。死

者如復生。剖與良人看。

錦繡腸胃
詳前文章

唐書常思謙

爲御史。嘗語人曰。大丈夫居敢言之地。當正色立朝。明目張膽。安能碌碌作保妻子之臣耶。北齊徐之才八歲造周捨。聽講老子。捨設食戲曰。不用心思。義但思食乎。之才對曰。吾聞聖人虛其心。實其腹。捨大歎息。唐書婁師德有度量。弟守代州。辭赴在教之耐事。弟曰。人有唾面。潔之。師德曰。潔之是拂其怒也。但使之自乾耳。史記伍子胥覆楚申包胥欲復之。往秦國乞師。足重繭。哭於秦庭者七日。七夜。秦人哀。

之。乃爲之發師。

遠行者足下復起皮如繭故曰重繭又曰層繭

史記堯欲

護天下於許由。巢父聞其事曰。汚吾耳也。向潁水洗。

之。適樊仲素牽牛飲。問其故曰。莫汚吾牛口。乃從上。

流水飲之。潁府晉遠公立白蓮社。招陶淵明。淵明

曰。有酒則可。旣至無酒。乃攢眉去。趙宋喻汝礪致

仕歸。自號捫膝先生。唐万千生而缺唇。後遇醫者

補之。號補唇居士。秦人美莊公賦詩云。顏如握丹。

其君也哉。魏何宴字平叔。美姿容。面絕白。文帝疑

其傅粉。夏月賜以湯餅。啖之。汗大出。隨以朱衣自拭。

色轉白。帝始信之。晉書王右軍見杜弘治歎曰膚如凝脂眼如點漆此神仙中人也。莊姜凝脂已見前篇漢

張蒼爲太僕當斬解衣伏鎖肌白如瓠。王陵言于沛

公赦之。器也後魏古弼爲尙書令頭尖似筆世

祖常名之曰筆頭。時人因呼爲筆公。衛青許負賤篇世

說魏武將見邊使自以爲形陋不足雄遠國使崔琰

代自捉刀立床頭禮既畢使問謀問曰魏主何如使

答曰魏主雄望非常然床頭捉刀人更英雄也魏武

聞之追殺此使。漢史李廣爲將猿臂善射號飛將

耶。唐史岑文本謂馬周。鳶肩火色。騰上必速。貴後

太宗名之四輩督促。互詳英賢史記趙得和氏璧。秦許

以十五城易之。藺相如捧璧往秦。秦王無償城意。相

如怒髮衝冠。曰。必欲徒得璧。臣頭與璧俱碎於柱。遂

完璧歸趙。一晉史桓石虔。小字鎮惡。喝聲屋瓦皆震。

嘗從桓宣武枋頭之征。軍中莫有抗者。河朔間以其

名斷瘡。漢英布有奇相。相者曰。當刑而王。後有罪

而鯨人號鯨布。佐漢祖定天下。封九江王。趙宋岳

公諱飛。憫宋室傾覆。欲恢復之。背上刺盡忠報國四

字秦檜忌其功殺之人弔以詩云矯詔遽成三字獄。
涅忠辜負一生心。唐史李林甫忌文學之士。或陽
與之善。陷以甘言而陰陷之。世謂林甫口有蜜腹有
劍。云。唐史祿山有死罪。張九齡曰。祿山生有反相。
不宐赦。明皇惜其驍勇。竟赦之。後得幸。明皇指其腹
問曰。此中何有。對曰。惟有赤心耳。趙宋大將軍黨
進。食飽捫腹歎曰。我不負汝。左右曰。將軍不負此腹。
此腹乃負將軍。謂其少出智慮唐李緯拜尙書房。玄齡曰。
此人好鬚。太宗聞之。知其無能也。改洛州刺史。

丰美

珠庭日角。世俗外人。瓊樹瑤林。風塵表物。元紫芝。矜宇。
士士快瞻。周茂叔襟懷。人人競賞。丰神秀麗。蔣凝擅玉。
荀之班姿貌。輕盈宋璟。浥金莖之秀。陶謝數晉朝。兩個。
拔萃超羣。阮何爲宋殿。一雙離倫絕俗。風。李太白皎。
皎鸞鳳之姿。瀟灑上官儀。翩翩神仙之態。華子魚淵清。
壁映遠韻孤騫。皇甫湜玉質金相。清標特異。舟同於李。
膺郭泰人仰。皆仙輿共於潘岳。夏侯士稱連璧。平原佳。
公子飄飄濁世之中。汝陽真天人。洒洒儔人之表。清高。

不俗裴公允有仙標瑩徹無瑕樂合却爲冰鏡白圭振
鷺劉禹錫實邁尋常琨玉秋霜孔北海不侔庸衆陳曲
逆美如冠玉氣度英英王安豐秀比琳琅風猷湛湛謝
希逸乃寰中奇物文潞公固天下異人妙矣劉敞矯矯
雲中白鶴美哉叔夜巖巖山上孤松是豈徒野鶴之在
鷄羣更忽憶蒹葭之倚玉樹天子問九齡風度果然賢
相高標邊使識孟德丰儀自是英雄本色潘安仁入市
羣婦女擲果盈車王君貺使邊少狀元聚人盤棟生遂
云亡洛人謂看殺衛玠泣魚有趣楚君因寵極龍陽

唐書李珣曰角珠庭非庸人相晉書王戎曰王衍

神姿高徹如瑤林瓊樹自是風塵表物

紫芝翁字
阮何一雙

俱詳
形體

黃庭堅作濂溪傳序周茂叔人品甚高胸中

洒落如光風霽月

北憲瓊言唐蔣凝美丰標每到

朝士家以為祥瑞朝士中皆號為玉筍班

唐宋璟

傳璟風度凝遠人以為玉樹含輝金莖浥露

璟字
廣平

晉書晉世諸人天性粹溫者惟謝玄暉陶元亮兩個

人耳杜公贈李太白皎皎鸞鳳姿飄飄神仙態

上官子魚詳英賢
潘岳夏侯詳朋友

白樂天美皇甫湜云玉質金相

奇姿英發。後漢李膺郭泰皆美風神。同舟而濟。望之者以爲仙。時號李郭仙舟。史記平原君傳。太史公曰。平原君翩翩濁世之佳公子也。杜甫詩云。汝陽真天人。睂宇甚疎秀。汝陽王璣世說。裴楷字叔則。風神高邁。容儀俊爽。當時以爲玉人。見者曰。見裴叔則。如玉山上行。光映照人。李太白詩。裴公有仙標。拔俗數千丈。晉書。衛瓘見樂廣而奇之。曰。此人之水鏡。見之瑩然。皇甫湜美劉禹錫文。眸子瞭然。炯炯清立。望之真白圭振鷺也。後漢孔融傳。融凜凜焉。

皜皜焉。其與琨玉秋霜比質可也。陳平傳周勃說

陳平於漢王曰。平雖美如冠玉。其中未必有也。言平雖美

如冠上之玉而心中無有喻其有才而無德晉書有人詣王衍遇安豐

及大將軍敦丞相導在坐。及往別屋。又見王詡與澄。

還語人曰。某今日觸目皆琳琅珠玉。南史謝莊字

希逸。丰儀甚俊。時人目之爲謝家奇物。東坡集文

潞公之在朝。契丹使耶律永昌劉霄來聘。望見公却

立曰。此潞公也。耶因拱手曰。天下異人也。晉書劉

敞劉紆俱美丰儀。時人語曰。敞矯矯如雲中鶴。紆超

趙如暮天霞。世說嵇康身長七尺八寸。風姿特秀。
見者歎曰。蕭蕭肅肅。爽朗清舉。或云肅肅如松下風。
高而徐。引山公曰。嵇叔夜之爲人也。巖巖若孤松之
獨立。其醉也。傀俄若玉山之將崩。晉書夏侯玄美
丰姿。毛曾嘗與之同坐。人謂蒹葭倚玉樹。唐書張
九齡爲相。立宗重之。及去位。上每置相。必問左右曰。
風度得如張九齡不。嵇紹野鶴。詳前英賢。孟德丰儀。詳前形體。晉書
潘岳字安仁。美丰姿。每出市。羣婦女愛之。擲果盈車。
趙宋王君貺弱冠及第。出使於契丹。人人相聚而

爲之盤滿屋棟。曰：看南朝少年狀元。晉書：衛玠從殷浩至都下，都人久聞其美，觀者如堵。玠先有羸疾，體不堪勞，遂成病而死。人謂看殺衛玠。戰國策：楚王寵幸龍陽君，嘗與之釣魚。初得魚，命養之，再得魚，比前魚更美。楚王命棄其前魚。龍陽君泣曰：臣今得幸大王，猶前魚耳。再有美於臣者，臣在所棄矣。楚王命無進美色。

醜劣

嫫母○乏容○難與南威比麗○東施無艷○寧同西子爭妍○禍
衡誕○乃是狂生○苟晞殘實○爲屠伯○登徒妻室○姿儀猥劣
意情深○許郝子孫○衣服鮮明○容貌惡○谷楷之稱○瞎虎最
是兇徒○羊闡之號○禿鶯○豈爲雅士○裴佶自呼○爲甘草○似
非貴宦之丰神○文樹人目○爲獼猴○的是猥庸之相貌○馬
微奇醜○頗驚於劉守車○徒林公異人○未信於王君門○隸
防閑妻妾○客李十郎○還是妬癡○吝愛貨財○深和長興更
爲錢癖○人頭羅刹○可知鬼裏○有人鬼而夜○又不意人中

有鬼見客失祗承。宋五嘗多坦率事君懷篡逆。朱三衛
是奸邪。藍面鬼異貌而卽異心。獨眼龍奇名而不奇相。
李主簿雙瞳點翳眼中常設簾籬。張立祖兩齧亡牙口。
內頻開狗竇。黃巢之三屈律頭有怪形。鑿齒之半個人。
身非全體。兒童擲石獨憐。張載蒙羞。婦女嘔涎還惜。簪
麋負恥。史敬奉體之迷陋。倘無勇誰則知渠醜。然明貌
也不颺。少不言。幾於失子。虜頭鼠目。寧堪求公卿大夫。
跛足禿瘡。豈可作皇后天子。善權瘦削。何減於肌師德。
蹣跚不良於步。瓊林宴上却笑何人。是郭郎白水城中。

偏聞有客呼人鬼。

嫫母。黃帝之妃。極醜。南威。古美女。

嫫音模

東施越苧

蘿。山東家施也。極醜。西子。西家施也。極美。

後漢禰

衡欲見曹公。着布單衣。疎巾。手持三尺棁杖。坐大營

門。以杖箠地。大罵吏白。外有狂生。曹怒而恕之。晉

荀晞鎮青州。用刑嚴酷。吏民苦之。號爲屠伯。事文

類聚。登徒子其妻蓬頭。聾耳。齟唇。歷齒。又疥且痔。登

徒子生有五子。可謂好色者矣。唐兵部侍郎許欽

明宅。與中書郝處俊相隣。兩家子弟多醜。而盛飾車

馬以遊京師語曰衣冠好容貌惡不姓許便姓郝

魏谷楷目眇而性嚴酷人呼爲瞎虎北史齊王殂

太子寶卷臨喪半闌入帛無髮俯地幘脫寶卷輟哭

笑曰禿鶯啼來乎鶯音秋水壽一名秋老世說補唐朱泚之

亂侍中裴佖與衣冠數人佯爲奴求出城佖最寢陋

自稱甘草門兵曰此數子定非人奴如甘草者不疑

唐書劉文樹形小而且多毛爲侍中大夫同僚戲

之曰文樹不似獼猴獼猴恰似文樹耳司馬徽劉

侯之光使左右問其存亡值徵鋤園曰我便足

徽貌陋睛稱奇醜左右罵曰何物旧奴稱司馬言理

徽更服而出左右叩頭謝世說王長史病林公候

之闍者曰一異人在門王笑曰此必林公也林公貌醜故云

支遇王蒙唐李益稱十郎防閑妻妾過於周密每夜

撒灰扃戶時謂妬痴癖詳富貴唐書監察御史李

全交專以酷虐為事臺中號為兇而夜又殿中王旭

亦以酷虐為業時人因號為人頭羅刹唐書德宗

微行西明寺宋濟葛巾方披書上曰茶請一杯濟曰

開水方煎自取之上問姓名曰姓宋名第五須臾聞

呼官家。濟惶恐。上曰。宋五坦率。後問禮部放榜。濟無名。上曰。宋五又坦率也。官家天子之稱朱三。朱溫也。纂唐

之天下。盧杞。唐德宗相。面藍色而心奸險。時稱爲

藍面鬼。李克用。本姓爾朱氏。唐徽宗賜姓李氏。克

用一目眇。人稱爲獨眼龍。事文類聚。龍丘李主簿

目有翳。方干與之飲。戲之云。只見門外設籬。未見眼

中安障。晉張玄祖八歲齒齠。先達知其非常兒。因

戲之曰。君口何爲開狗竇。答曰。正使君輩從此出入。

齠音調。齒斷也。黃巢亂。令皮日休作識語云。欲識聖人姓。

田八二十一欲識聖人名果頭三屈律巢頭甚醜按
鬢不就疑日休議已因遂加害晉張敞貌醜每出
小兒以瓦石擲之委頓而反譬糜醜男子陳侯時
人每入市婦女見之皆吐涎唐書史敬奉體達
陋類不勝衣矛矢在手前無強敵左傳晉叔向適
鄭醜茂貌醜立於堂下一言而善叔向聞之曰必醜
明也下執其手上曰令子少不厭子若不言吾幾
失子矣醜音宗醜茂字然鑒齒半人麀頭五代
史楊光遠病禿有智辨妻又跛其足後舉兵反人語

曰豈有禿瘡。天子跛足。皇后耶竟敗。唐語林詩僧

善權。體質清癯。時日爲痠權。足疾曰蹠蹠之步。史

記曰。予苦蹠蹠。又云。予苦蹠蹠。蹠蹠音盤。蹠蹠行貌。

婁師德詳前形體篇

趙宋政和丙申。殿試何臬爲狀元。潘

良貴次之。昔年少有風貌。而第三郭友形容古怪。唱

名曰觀者。皆曰狀元真何郎。榜眼真潘郎。第三真郭

郎。趙宋吳良溫形容古怪。住白水城中。僉云白水

城裡有一人鬼。

衣服

法冠製牙隱服裁荷巖子陵灘上傘裘傲睨軒冕沈慶
之軍中狐帽鎮壓貔貅棄繻出關去終軍固有用之才
披褐八朝來王猛非無能之士老萊舞斑爛之服堂上
春風石建浣中垢之衣堦前化日雉頭裘美晉武帝勅
付於兩王獸錦袍新李青蓮醉輸於河伯時逢七夕阮
家曬犢鼻之褌節屆重陽龍嶺落烏紗之帽月明五夜
霜中士子牛衣風凜三冬雪裏神仙鶴氅韓昭侯猶惜
敝袴王子敬偏草新裙須大夫贈范叔之袍情深念友

張○釋○之○結○王○生○之○襪○名○重○尊○賢○趙○家○飛○燕○多○嬌○宮○內○皆○
石○花○廣○袖○郭○氏○林○宗○有○道○鄉○中○盡○塾○角○儒○巾○通○天○帶○傾○
輪○嚴○續○之○姬○鵲○鵲○裘○爲○貫○相○如○之○酒○衣○也○垂○鵲○必○無○士○
笑○冠○之○聚○鵲○或○有○人○憎○緩○帶○輕○裘○牟○叔○子○斯○文○主○將○葛○
巾○野○服○陶○淵○明○陸○地○仙○人○金○縷○衣○須○入○清○歌○研○光○帽○還○
歸○妙○舞○唐○士○未○須○裁○道○服○重○他○張○孝○子○之○緜○晉○君○不○忍○
浣○征○袍○留○彼○穉○侍○中○之○血○

法○冠○獬○豸○冠○也○一○角○能○觸○邪○故○御○史○獬○豸○冠○楚○
辭○製○芟○荷○以○爲○衣○

嚴子陵
詳估

宋沈慶之討河北山

蠻大破之。羣蠻皆稽顙慶之。患頭風。嘗戴狐皮帽。羣

蠻畏之。號蒼頭公。王猛字景畧。有大志。聞桓溫入

蜀。披褐見之。捫蝨而談。當世之務。旁若無人。為符秦

相。終軍詳亨達石建詳倫行老萊詳者英李白明皇所

賜官錦獸袍。遊於采石。酣飲嘯歌。旁若無人。乘醉捉

月。溺於水而死。世說阮仲容步兵居道南。諸阮居

道北。北阮皆富。南阮貧。七月七日。北阮盛曬衣。皆紗

羅錦綺。仲容以竿掛大布犢鼻褌於中庭。人或怪之。

答曰。未能免俗。聊復爾耳。仲容阮咸步兵阮籍孟嘉落帽詳時令王章臥

不詳
貧賤

晉

王恭美丰姿嘗乘高輿衣鶴氅裘行微雪

中人目之爲神仙中人

肇音微

韓昭侯詳後篇

世說補

欣少便靜默美言笑善容止父不疑爲烏程令王獻

之爲吳興太守年十二王甚知愛之嘗夏月入

縣今着新絹裙晝寢獻之書裙數幅而去今本工書

因此彌善史記秦相范雎與魏人須賈有隙及賈

使秦雎自稱張祿先生往詣賈詭言爲人傭賃賈意

哀之留與坐食曰范叔一寒如此哉乃取一綈袍賜

之後入相府見雎雎悉數賈罪曰公之所以得無死

者以綈袍戀戀有故人之意乃釋公耳。綈袍厚繒爲之漢

景帝時王生善黃老言張釋之爲廷尉生令其跪而

結襪釋之跪結之人或讓王生王生曰廷尉天下名

臣吾故使結襪以重之諸公聞之賢王生而敬廷尉

焉。石花袖許女子金縷衣諱寵妾後漢郭林宗鄉中人稱爲有

道出行遇雨巾一角墊時人乃故折一角以爲林宗

巾其見慕如此。墊音店下也一角垂落也南唐遺事嚴續相公

姬裴皞給事通天犀帶皆一代尤物嚴出姬裴出帶

呼盧賭之裴采勝嚴悵然以姬與之西京雜記司

馬相如與卓文君還成都居貧愁懣以所服鵲鵲裘

就市貰酒與文君爲歡鵲音速鵲音霜鳥名以其羽毛織成裘貰音世貨也又賒

也孫卿子曰子夏家貧衣若懸鵲人曰子何不仕

曰諸侯之驕我者吾不爲臣大夫之驕我者吾不復

見衣破而結之似鵲羽之垂然左傳云鄭子臧奔宋好聚鵲冠

鄭人惡之使盜誘殺之人謂曰服之不衷身之災也

牟祐字叔子爲晉都督在軍中輕裘緩帶以臨兵

旅晉書陶潛解印歸居柴桑門前種五柳號五柳

先生嘗言五六月北窓下臥遇涼風暫至自謂羲皇

上人。世說補陶靖節在家。郡將候陶。值其酒熱。取
頭上葛巾漉酒漉畢。還復着之。李恂子七歲夢王
母宴羣仙。舞者戴研光之帽。帽上簪花。歌舞山香之
曲。唐韓彥思爲孝子。張僧胤作墓誌。愧之縑一百
彥思爲受一匹。敕家人曰。此孝子縑。勿輕用也。嵇
紹蕩陰之敗。百官散潰。紹獨以身捍衛。惠帝遂被害。
血濺御服。事定。左右請帝浣其衣。帝流涕曰。此猶侍
中血。勿浣也。

衣服二

汗衫興於漢祖。訶子輩自楊妃。逢掖士人衣飄然絕俗。
偏衫僧者服。迥爾離塵。暮雨淋淋。濕田婦。鴉頭之襪。秋
風颯颯。吹儒生鳳尾之袍。春巾之客。珠履盈盈。馬后之
宮。練衣楚楚。王喬屬仙。令舄飛天外之鳧。李后是嬌姝。
釵化宮中之燕。元載橫開紫綃帳。必費方兄。山公倒著。
白接羅。乃酣歡。伯六合被君王御宇。七斤衫。釋氏傳燈。
蜀郡有賢良。民歌五袴。長安多逆旅。客賦單衣。靜處討
論。蜀國馬融。施絳帳。坐中泣下。江州司馬。濕青衫。養士

重田文門客盜狐白裘脫難動人誇李白寺僧奉蘭縑
袴酬詩王陽使貢禹彈冠締交義重文帝爲董賢割袖
狎昵情深樂士共摩肩濟濟看馬鬼之護高人能潔已
飄飄掛神武之冠梅花帳冤夢同清獬豸冠威稜獨峻
洵美且都有女遺王濛之新帽終貧且窶誰人換季子
之敝裘光武以赤幘起兵名芳千古晉懷以青衣行酒
事醜萬年蔡邕倒屣迎賓忘富貴而雅愛文章人誰不
齒溫嶠絕裾別母重功名而頓輕孝道我則奚爲
漢高祖與項羽戰汗透中衣故名曰汗衫 禮記哀

公問於孔子曰。夫子之服。其儒服與。孔子曰。丘少居魯。衣逢掖之衣。長居宋。冠章甫之冠。○皇甫規解官歸。鴈門守謁之。不迎。及白衣王符在門。疾趨迎之。語曰。徒見二千石。不如一逢掖。逢掖謂肘掖之所寬大。故鄭玄曰。大袂禪衣也。

魏時嘗作佛事。見其偏袒。右肩乃拖其衣。名之曰

偏衫。而全兩肩也。又名離塵服。亦名無垢衣。李白

詩云。履上足如霜。不着鴉頭襪。田婦之襪。五代桑維翰

未仕時。緼衣襤褸。穿結類鳳尾。人呼之爲鳳尾袍。

史記。戰國春申君之門客三千人。皆珠履。東漢馬

明德皇后嘗服練服。謂姬媵曰：「此繪宐染色。」後宮皆

歎服。莫敢尙華美。

訶子詳女子篇
鬼鳥詳神仙篇

漢武帝李夫

人有姿色。帝愛之。賜以白玉釵。藏之匣中。一日開匣。

化玉燕而去。

元載芸暉堂。戶牖內設紫綃帳。得於

南洞。鮫綃之類也。輕疎而薄。無所障礙。雖凝冬而風

不能入。盛暑則涼。自生其色。隱隱然。或不知其爲帳。

謂臥內紫氣之光而已。

世說：山季倫爲荊州時出

酣。賜人爲之歌曰：「山公時一醉。徑造高陽池。日暮倒

載歸。茗芋無所知。復能乘駿馬。倒著白接羅。舉手問

葛疆何如并州兒。高陽池在襄陽疆。是其愛將并州

人也。

山簡字季倫白接離卽白氍帽

五代唐莊宗滅梁平蜀志願

駱命蜀匠織十幅無縫錦爲被。後被成賜名六合。

傳燈錄云僧問趙州和尚法旨。趙州曰我在青州作

一領布衫重七斤。

廉范五袴詳仕進篇馬融絳帳詳師生篇

秦少遊

詞云客衣寒客衣單。西風人度關。白樂天爲江州

司馬作琵琶行詞云坐中泣下誰最多。江州司馬青

衫濕。

狐白裘詳畜產

李白遊慈恩寺寺僧用水松脾乞

詩白爲題記。僧乃以蘭縑袴醉之。

彈冠詳朋友身冠詳前篇

漢文帝嬖愛董賢與賢晝寢以手為賢作枕帝欲起賢睡未醒乃命左右取刀割斷其袖貴妃死於馬

鬼駟有老嫗得錦襦襪一隻士人爭以錢求看每翫

百錢前後獲錢無數

陶弘景
詳恬淡

唐孟浩然咏梅花

帳詩云紫紗步帳最繁華臥雪眠雲自一家雪又不

寒雲又暖護持清夢到梅花晉王濛美姿容出市

中羣嫗愛之見其帽被爭遺以新帽

季子敝裘
詳貧窮篇

漢光武初起義兵軍士持弓弩皆以絳衣赤幘晉

懷帝為劉聰所執使之青衣行酒

蔡邕詳朋友
溫獨詳偷行

衣服 三

堯○盤○將○士○之○盛○巾○幘○婦○人○之○服○荷○旃○被○毳○貧○寒○之○士○宜○
然○重○褥○累○裯○富○貴○之○人○乃○爾○韋○綬○之○纈○袍○采○采○祭○遵○之○
布○袴○翩翩○精○忠○膺○主○眷○狄○仁○傑○披○金○字○之○袍○陰○德○有○天○
知○裴○晉○公○還○紋○犀○之○帶○屈○子○紉○芝○蘭○爲○佩○軟○美○何○如○霍○
姬○燒○豆○蔻○熏○衣○馨○香○不○絕○肌○生○銀○粟○是○誰○寒○贈○紫○駝○尼○
肩○聳○玉○樓○有○客○煖○捐○紅○衲○襖○白○公○之○飛○雲○履○未○染○塵○埃○
趙○后○之○留○仙○裙○或○生○烟○霧○鄒○陽○曠○達○王○門○皆○可○曳○長○裾○
寧○戚○清○貧○農○野○不○妨○披○短○褐○閔○子○衣○蘆○花○之○絮○孝○行○純○

全漢王製竹籜之冠威儀自別飄飄風陣起清涼新入
廣文氈片片雪花飛洹凍頻侵東郭履曲江遊而春衣
試典河朔飲而夏葛輕披桃椎不徵野店頻懸居士屨
企生既死高堂肯著逆臣裘豫讓擊襄子之衣忠誠憤
發蘇氏織寶酒之錦精惻縈迴賞賚不輕勿笑昭侯留
敝袴繁華無愛可嘉桓子卻新衣子房還漢祖簪紳高
人態度宋主賜邊臣裘帽哲后規模除茲歎事傳聞更
有一般比例邊文禮才堪用世尤爲世上襟襟龐士元
志則過人更作人中冠冕

兜鍪、肯也。鍪音謀

巾幘、婦人喪服。孔明以此遺司馬

懿。蓋聽之也。王褒聖主得賢臣頌。夫荷旃被毳者。

難與道純錦之麗。密羨藜含糗者。不足與論太牢之

滋味。糳吹去聲。古脆字。家語。子路既貴。累裯重褥而坐。歎

曰。茲欲負米於百里外。其可得乎。唐德宗時。韋綬

爲翰林學士。帝幸其院。韋妃從。會綬方寢。學士鄭絪

欲馳告之。帝不許。時大寒。以妃蜀纈袍覆之。而去其

寵遇如此。漢祭遵憂國奉公。家無私財。身自衣布

袴。狄仁傑既悟。武后疎姪全。子武后重之。特製金

字十二於袍賜之以旌其忠。撫言裴度遊香山寺。有一女假得三帶以救父。過寺掛楯上禱神。遺忘而去。度追還之。後封晉公。人以為陰德所致。唐霍小玉嘗云。養紙芙蓉粉。熏衣荳蔻香。山谷詩云。饑食青粃飯。寒贈紫駝尼。紫駝尼舊褐也。張平子春日與友人偕行。盡卸其衲襖。客曰。恐流鼻白耳。平子曰。春入玉樓不脫此。恐流鼻紅耳。玉樓肩也。白樂天燒丹於廬山。以玄綾作飛雲履。染以沉檀。振履則如烟霧。常着以示道友。曰。吾足下生雲。計不久昇瑤府矣。留仙裙詳後宮

室蘆花絮
詳前倫行

鄒陽書曰使臣飾固陋之心何王之門

而不可曳長裾乎
寧戚飯牛歌曰南山粲白石爛

主不遭堯與舜禪短褐單衣適至
軒齊桓公聞之遂

舉以為相
軒音幹 卽脛骨
漢祖微時以竹箠為冠戴之人

號竹皮冠
箠音託 箠皮也
鄭虔為廣文先生杜贈以詩云

才名三十年坐客寒無種
東郭先生特詔公車貧

困饑寒衣敝不完行雪中履有上無下足盡踐地道

中人笑之及拜二千石出宮門觀者歎曰相馬失之

瘦相士失之貧此之謂也
東郭先生 東方朔也
杜子美春日

遊曲江嘗賦詩云朝回日日典春衣。每日江頭盡醉歸。漢劉松袁紹於河朔避暑晝夜酣飲。避一時之暑。故河朔有避暑飲。唐朱桃椎隱廬山中。不仕嘗織芒屨置道傍。見者皆言朱居士屨也。易米置本處。桃椎至夕取之。終不見人。喬音。焚裘織錦。襄子殺智伯。豫讓爲智伯報讐。被獲將殺之。讓曰。願請衣擊之以示報讐。乃拔劍三擊其衣。遂伏劍而死。互詳。韓昭侯有敝袴。命左右收藏之。曰。吾聞明主愛一。頻一笑。今袴豈特頻笑哉。吾特留此以待有功者。

世說桓冲不好着新衣浴後婦故送新衣與桓桓怒
催使持去婦更持還傳語云衣不經新何出而舊桓
大笑卽服之子房事詳形體全斌在蜀時京師大雪宋
太祖曰我被服如此尙覺寒况西征將士乎卽解裘
帽遣人馳送斌斌感泣而受之邊讓字文禮才辨
俊逸孔融薦於桓帝曰讓爲九州之被則不足爲單
衣九洲被極喻廣覆之意襜褕則有餘襜褕圓身裳也龐統字士
元往見司馬德操德操採桑樹上統立樹下談論不
輟德操稱之爲南州冠冕

珍寶

玉。斑。斑。靈。珠。瑟瑟。玉。重。連。城。之。價。千。古。傳。奇。珠。鵬。照。
乘。之。光。萬。年。志。異。藍。田。白。璧。成。貧。士。之。姻。煙。麗。水。黃。金。
助。壯。夫。之。顏。色。曰。煖。玉。曰。軟。玉。總。是。奇。珍。名。火。珠。名。水。
珠。盡。爲。至。寶。錢。流。地。上。龍。文。與。鷺。眼。爭。奇。金。出。冶。中。麟。
趾。及。裏。蹄。獻。瑞。珊。瑚。樹。塞。滿。石。齊。奴。之。室。瑪。瑙。盤。捧。來。
裴。行。儉。之。家。白。鏤。出。自。朱。提。非。耿。道。士。雪。花。削。就。美。珠。
生。於。老。蚌。豈。麻。姑。仙。粒。米。拋。成。草。木。增。輝。蘭。氏。還。趙。邢。
之。璧。波。濤。生。色。太。公。釣。渭。水。之。璜。魯。褒。作。論。錢。曰。方。兄。

韓愈爲銘金云諛墓韓嫣一出兒童覓綠野之金九漢
祖既還亞父撞鴻門之玉斗夏桀留心於眠女刻盡荅
華齊侯敗績於晉師獻餘甌磬釵簪白玉燕飛漢代之
官錢鑄黃金蝶繞唐王之庫金埒金塢而且金其臺炫
人耳目錦帆錦帳而又錦其樹駭我見聞窮至富莫求
而得之失之有命存者若不貪爲寶而優也游也奚害
賈焉

事文類聚云班班玉名瑟瑟珠名

史記云趙得和

氏之璧秦昭王聞其美許以十五城易之故云連城

照承詳英賢
監田詳婚姻

古詩床頭黃金盡壯士無顏色

唐武宗時扶餘國進火玉可以燃鼎置室中不必地
續。唐天寶中外國進軟玉屈之則首尾相就伸之
則勁直焉。唐順宗時拘弘國貢水珠持入江海可
從水中行後化爲龍。南蠻有火珠日中以艾藉珠
則火出。漢武帝有龍文錢宋畧云錢一貫長三寸
曰鷲眼錢。漢武帝郊祀見白麟神馬遂以金鑄麟
血裏蹄以協其瑞。石崇小名齊奴王愷與崇鬪富
不勝武帝出珊瑚樹高三尺者助之崇擊碎之帝欲

其時崇以高六七尺者賂之四五尺者殆不勝數

唐裴行儉有瑪瑙盤廣二尺文采粲然軍吏趨蹌盤

碎惶愧叩頭行儉曰汝非故也色不少變君子服其

量銀曰白鐐朱提木縣名又山名出好銀故稱銀

為朱提提音

耿道士有仙術冬月間以雪削如銀

錠洛爐火中不消格物志珠生於老蚌後漢章

元將仲將兄弟並美孔融與其父書曰不意雙珠近

出老蚌

麻姑詳神仙
蕭氏詳形體

呂尚釣於渭濱魚腹中得

玉璜刻文曰姬受命呂佐之魯褒錢神論云大哉

錢之爲體親之如兄。字曰孔方。無翼而飛。無足而走。解嚴毅之顏。開難發之口。劉乂持韓愈金而去。曰。此諛墓中人所得。不若與劉君爲壽。諛墓謂爲人作墓銘韓媽性奢侈。以金爲彈丸。一日所失者十餘。長安爲之語曰。若饑寒逐彈丸。京師兒童每伺媽出。輒隨往望彈丸所落而拾之。媽音煙史記漢祖鴻門之宴。起如廁。樊噲曰。大行不顧細謹。大禮不辭小讓。如今人方爲刀俎。我爲魚肉。何辭爲。遂逃歸霸上。留張良以白璧謝羽。以玉斗謝增。范增置之。地拔劍撞破之。曰。唉。

豎子不足與謀奪項王天下者必沛公也燧紀

年桀伐岷山岷山之君獻桀二女曰琬曰瑱桀受二

女刻其名於苕華之玉甌磬齊之寶玉左傳云齊

敗績於晉獻以甌磬之玉甌音燕飛詳前衣服不合詳前廉潔

杜陽編云唐穆宗時禁中花開夜有蛺蝶數萬飛集

花間上令張網獲之得數萬以火燭之皆庫藏中之

金玉錢也晉王武子養馬編錢布地號金埒董

卓居郡塢積金四十萬號金塢燕昭王置金於臺

以待賢士號金臺隋煬帝遊西苑泛舟以錦爲帆

以牙爲橋。石崇與王愷鬪富。列錦步帳四十里。

吳越王錢鏐於幼時所居之地其樹皆掛以錦號錦

衣將軍

子罕不貪
詳廉潔篇

左傳初虞叔有玉虞公求旃

弗獻既而悔之曰周諺有之匹夫無罪懷璧其罪吾

焉用此其以買害也乃獻之又求其實劍叔曰是無

厭也無厭將及我遂伐虞公故虞公出奔共池

珍寶二

有美玉於斯。懸藜結綠。積良金如彼。麟趾馬蹄。錯落火
齊。滄海月明。有淚玲瓏。琬琰藍田。日煖生烟。燕昭王之
京。珠炎蒸無暑。扶餘國之火。玉列江無寒。囊裏青玦。用
却復來。曾幾許。篋中火浣。燒而不燼。更如何。琥珀盞。允
可酌賓。瑠璃瓶。最宜卜相。金雨於大禹之世。足驗治功。
錢飛於王尋之家。可徵陰德。嗣續將盛。鳴鳩化金。帶之
鉤。爵祿彌高。飛鵲幻玉紋之印。夏桀乃昏庸主。國有瑤
臺。郭况是貴戚卿家。多金穴。賜來蜀嶺。域中皆用。鄧通

錢泣罷荆山。天下盡聞和氏璧。刻岷姬之形以玉。好色
惟然。鑄范蠡之像以金。尊賢乃爾。金四萬斤。間楚錢十
萬貫。通神。楚璧琮琤。豈是張儀之竊。鮑金光采。還同管
子之分。雖云鐵鑄錯而不成。猶憶珠記事而頓悟。勿謂
玉抵鵲而非貴。且言錢化蝶而有靈。合浦珠還。僉謂孟
嘗政美。鹿臺財聚。預知商紂運衰。蓋飲馬投錢。方爲正
士。而渡河毀璧。乃是英夫。珠向腹中藏。偏笑賈人之拙。
金從市上攫。可嗟俗子之愚。

懸藜楚之寶玉。結綠宋之寶玉。

李商隱詩。滄海月。

明珠有淚。藍田日煖。王生煙。

火齊珠名

拾遺記。燕昭王

時。外國獻黑蚌珠。暑月懷之。極清涼。號昭涼珠。青

蚨。蟲名。取其子母。卽飛來。以母之血塗錢。八十一文。

又以子之血塗錢。八十一文。每市物用去母錢。子錢

飛來。用去子錢。母錢飛來。各循環無已。白帖。南炎

山。有火鼠。以其毛爲布。有污則浣之。於火垢盡。火滅。

燦然鮮明。號火浣布。後漢。梁冀以火浣布爲衣。會

賓客。爭酒。佯失盃。而汗之。解衣付於火。燃之。如灰垢。

盡。火滅。燦然潔白。搏物志云。松脂淪入地中。千年

化爲茯苓。再千年化爲琥珀。又名江珠。廣州志云。瑠璃出大秦高麗日南諸國。其性堅。刀刮不動。白色。厚半寸許。此自然之物。彩澤光潤。五代史。唐廢帝欲擇相。左右皆言盧文紀。及姚顗。有人望。帝因書姓名。納之瑠璃甕中。焚香祝天。以筭挾之。得文紀。遂以爲相。史記大禹之世。天雨金三日。民大利。唐王諱家。世代積德。家素貧困。一日大風雨。飛錢數百萬入室中。後富至數十萬。擅名江左。韻府羣玉。山西張氏。世有陰德。忽有鳩入室。祝之曰。爾爲禍耶。飛上

承塵爲福耶。飛入我懷。鳩飛入懷。以手探之。得一金帶鉤。遂實焉。自是子孫日富盛。唐張璟見飛鵲忽墜於地。化而爲石。剖之得玉印。文曰忠孝侯之印。通鑑夏桀無道。爲肉山酒池。璵宮瑤臺。郭况光武郭后之弟也。帝數幸其第。賞賜黃金甚多。時謂之金穴。郢錢詳富貴刻玉詳前篇史記卞和得玉璞。獻楚懷王。王以爲欺。則其左足。又獻平王。亦以爲欺。則其右足。後荆王立。復欲獻之。恐見害。乃抱璞哭於荆山之下。淚盡。繼之以血。荆王感而剖之。果得美玉。號和氏璧。乃

封和爲陵陽侯。辭不受。作怨詩行而去。吳越春秋。越旣破吳。范蠡遂泛舟遊於五湖。莫知所終。句踐思之以黃金鑄像而朝禮之。漢陳平說高祖出黃金四萬斤以間楚之君臣。唐張延賞判度支。欲究人冤獄。忽明日案上一帖云。奉錢五萬貫。乞勿問此獄。公怒促之。忽明日又一帖云。奉錢十萬貫。公曰。錢至十萬貫。通神矣。遂止不問。張籍玉詳形體錢化蝶詳前篇鮑叔與管仲友。鮑叔得金與管子分。管多取之。曰。鮑叔知我貧也。五代羅紹威以魏博牙兵驕甚。盡戍之後。

遂為朱溫所制。乃謂親吏曰：聚六州四十三縣鐵、鑄

一個，錯不成。六州魏博恒益澶衛也。鑄錯不成，盜歟。其悞殺牙兵也。唐張說

為相，有記事珠事之遺忘者，弄其珠，則恍然悟。鹽

鐵論云：崑山之下，以玉抵鵲，謂其所產賤也。漢書

孟嘗為合浦太守，俗舊採珠以易米。先時二千石使

人採珠，積以自入，珠忽徙去，饑死者盈路。孟嘗化行

一年之間，去珠復還，合浦焉。史記：紂王聚鹿臺之

財，積鉅橋之粟。安陵清者項仲山，每飲馬渭水邊。

必投三文錢而去。郝廉亦全列國記云：澹臺滅明賣壁

渡河兩蛟夾舟奪之。滅明曰：吾之璧可以義求，不可以威劫。乃拔劍斬蛟，蛟死，毀壁於江而去。唐太宗曰：西域賈人得美珠，剖腹而藏之，愛珠而不愛其身也。荀子云：齊人有欲金者，清旦衣冠而之市，適鬻金者之所，攫其金而去。吏捕得之，問曰：鬻市之中，子攫人之金，何對？曰：取金之時，只見金，不見人。此蔽於嗜慾而忘其形骸者也。

宮室

樓題一建風雨攸除居室可棲遲鳥巢兔穴規模推廣
大鳳闕龍樓并榦齊雲美奪瓊官之勝章華長信高依
珠斗之躔長楊殿翠影屯雲五柞宮綠陰翳目巍然天
祿清光分太乙之藜卓爾柏梁瑞露滴仙人之掌臺臨
江水劉表呼鷹樓接霄蕭郎引鳳觀開玉局曾爲說
法之場閣建石渠已屬藏書之所涼臺煥館綠野堂制
度堪奇佳石異花平泉莊風光最絕秦阿房雄吞渭水
吳姑蘇勢壓虎丘是皆肯構肯堂亦有苟完苟美寇萊

公庭階外止許栽花李文靖廳事前僅容旋馬草萊勿
剪俗矣張仲蔚之門污穢不除陋哉陳孺子之室安樂
窩弗加輪奐也足軒豈飾丹青青山在屋上流水在屋
下溪山不換王侯南陽諸葛廬西蜀子雲亭風月迭爲
賓主蓆爲門戶甕爲牖陳平之蓬室虛明雲作藩籬山
作屏柳子之茅亭瀟灑兩岸好花橫畧豹天排佳景與
人觀一庭瘦竹護菟裘地設名區從我欲

詩小雅斯千篇約之閭閻杯之橐橐風雨攸除烏鼠
攸去君子攸芋詩陳風衡門篇衡門之下可以棲

遲泌之洋洋可以樂餞。宋人詩：龍樓鳳閣九重城。

漢武帝造井幹樓，高五十丈，在建章宮中。五代

韓浦建齊雲樓，高與雲齊，故云。國語：楚靈王爲章

華之臺，與伍舉登焉，曰：「臺美矣夫！」伍舉曰：「君爲此臺，

人罷財盡數年而成，若謂此美，楚其殆矣！」長信漢

宮名。長楊宮，本秦宮，漢修飾之以備行幸，有垂楊

因名。五柞宮，漢宮也，有五大柞樹，因名。柞音天，

梁臺詳前，文章相。漢劉表好鷹，常登臺歌野鷹來之

曲。時號爲呼鷹臺。吹簫引鳳，詳後樂具。成都玉局觀老君

與張道陵至此有局。脚玉床。白地湧出老君升坐。爲道陵說。南北斗經。故名。石渠閣。在漢未央宮中。與天祿相對。乃漢藏書之所。唐裴度致仕治第東都。號綠野堂。有涼臺。燠館。風臺。月榭之勝。唐李德裕爲相。營平泉莊。求天下佳石異花。置其中。時有詩云。嶺北諸侯供異石。日南太守獻名花。秦建阿房宮。東西五百步。南北五千丈。下可建五丈旗。杜牧阿房宮賦有云。渭流漲膩。棄脂粉也。烟斜霧橫。焚椒蘭也。吳王夫差旣得西施。爲築姑蘇臺。高三百丈。游宴。

其上。伍子胥諫曰。臣恐姑蘇不久爲麋鹿之遊。王不聽。後越伐吳。臺遂見焚。宋寇萊公出入宰相三十年。不營私第。庭階下並無廣地。僅可栽花而已。處士魏野贈詩曰。有官居。無地起樓臺。公南遷時。北使至。內宴。歷視諸宰執語譯者曰。就是無地起樓臺。相公說出世。宋書李文靖公沆爲相。治居第。廳事前僅容旋馬。或言其太隘。公曰。爲宰相廳事。誠隘。爲太祝奉禮。則廳事已寬矣。世說補。張仲蔚隱居平陵。蓬蒿滿室。惟開一行徑。漢陳蕃年十五。閒居一室。

庭宇無穢殆滿薛勤往候之曰孺子何不掃除以待

賓客蕃曰大丈夫處世當掃清天下安事一室

安樂

窩也足軒俱詳前怕淡篇

陋室銘云南陽諸葛廬西蜀子雲亭

孔子云何陋之有一

陳平事詳貪賤

柳子厚茅亭記云因

高山之阻以面勢無節枕之華不斲椽不剪茨不列

牆以白雲爲藩籬碧山爲屏風昭其儉也唐人閑

居詩兩岸好花橫畧豹一庭新竹繞欄杆

豹音夕小橋也

菟裘魯公隱居之塲左傳云速營菟裘吾將老矣坡

詩一庭瘦竹護菟裘

菟音兔菟絲草名矣

宮室二

宋殿玲瓏重門洞開周邦鞏固百堵具興神堯之階下
生○冀○唐○帝○之○宮○前○秀○竹○長○安○未○央○殿○巍○然○壯○渭○水○奇○觀○
荆楚岳陽樓美矣挹洞庭秀氣江水濬池源鍾山增城
址○金○陵○允○是○帝○王○都○洙○流○清○翰○墨○岱○嶽○聳○文○峯○闕○里○雅
宜○賢○聖○宅○避○風○臺○妃○子○揚○歌○凌○煙○閣○功○臣○列○像○翹○材○館○
欽○賢○館○漢○公○孫○延○士○之○區○臨○春○樓○結○綺○樓○陳○後○主○幸○妃
之○所○花○月○芙○蓉○館○雍○雍○仙○子○儀○從○風○霜○細○柳○營○赫○赫○將
軍○號○令○萬○里○橋○程○途○迢○遞○寧○知○唐○主○經○過○百○尺○樓○氣○象○

崢嶸還屬元龍獨臥盤龍齋內瑞氣常臻夾馬營中異
香遍達碧雞坊裏神仙至朱雀橋邊士子遊黃龍殿上
宰臣朝白虎觀中儒士集花萼樓一聲玉笛淒清蕊珠
宮幾度鸞笙響曉雪巢旣構應無半點俗塵月榭已成
勝有十分佳景靖節門前栽五柳隱士家風晉公堂下
植三槐相臣地位鵲觀滿階明月蝸牛廬一榻清風
延閣虛明好貯書吹臺突兀堪懷古霍將軍甲第高入
雲霄王司馬門牆廣容旗戟退思常是魚頭叅政退思
時知妄室乃半山居士知妄處至道坊間土窟更爲司

馬勝居浣花溪上草堂。最是杜公樂地。晏居既苦。遠勞
霸主新更謝宅。猶存寧許權臣。妄奪否中道。常泰原憲
甕屈。而且桑樞安處。身欲危。哥奴重關。而又複壁。

宋太祖曰。重門洞闢。正如我心。少有私曲。人皆見之。

詩小雅斯千篇。似續妣祖。築室百堵。西南其戶。愛

居爰處。爰笑爰語。

黃荻詳
後翠草

唐書玄宗兄弟友愛。

後苑竹叢幽密。帝謂諸王曰。兄弟相親。當如此竹。因

謂之義竹。未央殿。漢祖命蕭何所造。取夜未央之

義。岳陽樓在鄂州。據洞庭之勝。范仲淹岳陽樓記。

有浮光躍金。靜影沉璧之句。吳都賦云。鍾山增其

城。江水深其地。金陵是吳都地。故云。謝玄暉云。江

南佳麗地。金陵帝王州。飛燕外傳。漢成帝后趙飛

燕。體輕不勝風。帝爲製七寶避風臺。后善爲歸風送

遠之曲。歌於臺上。酒酣風起。后揚袖曰。仙乎。仙乎。左

右提其裙。帝曰。此留仙裙也。唐紀。太宗圖瓘

臣二十四人於凌煙閣。公孫弘詳人事。陳後主詳女子。周亞夫詳武職。

括異記。有朝士晚赴朝。見美女二十餘。並馬而行。丁

度在後。朝士驚問之。最後一人曰。迎芙蓉館主。俄而

聞丁度卒。成都記：諸葛亮送費禕，聘吳至一橋，曰

萬里之行始此。因名。後明皇幸蜀，至此橋，大歎曰：僧

一行曾謂朕曰：二十年國有難，當遠遊萬里外。今至

此矣。由是駐蹕成都。

陳元龍詳實主

南宋劉裕幼有大

志，嘗作一小齋，扁曰盤龍，蓋以其能變化也。宋紀

趙太祖生於夾馬營中，赤光滿室，異香一片，人因號

爲香孩兒。漢宣帝時，有方士曰金馬碧雞之神，可

祭而致。帝因建碧雞坊。朱雀橋在吳西，晉士子遊

觀之所。劉禹錫《烏衣巷》詩：朱雀橋邊野草花，烏衣巷

口夕陽斜

魏晉時有黃龍殿

漢宣帝詔諸儒於

白虎觀中講五經同異

唐書明皇友愛諸王建花

萼樓常與諸王宴飲其上寧王好吹玉笛故云藥

珠宮神仙所居宋林景思作廬舍以雪景成名之

曰雪巢楊廷秀作賦其畧云式瑤我室式瓊我屏絕

無一埃點我勝槩

月榭詳前篇五柳詳衣服

聞見錄云王祐

有大功於朝不得相謂人曰我不做二郎必做乃手

植三槐於庭曰吾子孫必有為三公者後王旦果相

東坡為作三槐堂記唐人詩金波麗鵲鵲鵲觀

名金波月也。魏處士焦光作回舍形如蝸牛號蝸

牛廬。蝸有角如牛故名蝸牛。藝文志云漢書府名

爲延閣內庫也。韻府云杜甫從李白過汴州酒酣

登吹臺慷慨懷古人莫測也。吹臺梁王歌臺漢紀宣帝賜

霍光甲第一區。崔灝詩有云長安甲第高入雲誰家

居住霍將軍。晉書王濟爲司馬起第宅開門前路

廣數十步。或問之濟曰吾欲其容長戟旗旂如于公

容駟馬高蓋車。宋魯宗道號魚頭叅政營一小室

曰退思堂。每退朝獨居其中。雖妻子不許入。宋荆

公自號半山居士。築一室曰知妄。自爲語錄云。爲妄卽妄。是真認妄爲真。雖真亦妄。朱王拱辰於洛之道德坊起屋三層而居。司馬公於至道坊掘地爲室居之。富鄭公嘗問邵堯夫曰。洛中有何新事。堯夫曰。有一巢居者。有一穴處者。遂以二公對。富公大笑。杜甫在成都時。劍南節度使裴冕爲十浣花溪作草堂以居焉。左傳齊景公欲更晏子之宅。謂晏子曰。子之宅近市。不可以居。請更諸爽塏者。晏子辭。及晏子如晉。公更其宅。反則成矣。旣拜。乃復舊宅。塏

上声高爽也拜
蓋拜而受也

晉書桓玄欲以謝安宅廣其地謝

琨曰名伯之仁猶惠及甘棠文靖之德更不保五畝

之宅耶玄慚而止莊子原憲居環堵之室桑以爲

樞甕以爲牖上漏下濕坐而絃歌李林甫小字哥

奴爲玄宗相自覺結怨於人每憂刺客之害已其所

居室防護甚密爲重關複壁每夕而數徙雖家人莫

知其常處